

五代會要卷第四

緣祀裁製

皇后陵

公卿巡陵

正統

急日

子親王見三師禮



鄉飲

緣祀裁製

梁開平二年九月詔曰國之大事唯祀與戎須委元

臣以專重務今後在京大小祀及諸色祠祭並委宰

臣薛貽矩專判
後唐同光三年三月十日祠部奏本朝舊儀太微宮
每年五薦獻其南郊壇每年四祠祭吏部申奏請差
中書門下撰大尉行事其太廟及諸郊壇並吏部差
三品以上撰大尉行事從之至其年七月中書門下
奏據尚書祠部狀每年太微宮五薦獻南郊壇四祠
祭並宰相撰太尉行事唯太尉時祭獨遺庶寮所為
舊規慮成闕禮臣等高量今後太廟祠祭亦望差宰
臣行事從之

三年十一月禮儀使奏伏准禮經表三年不祭唯天
地鬼神社稷為越紿行事此古制也爰自漢文益尊
神器徇至公絕私之義行以日易月之制事久相沿
禮從順衰今園陵已畢祥練既除宗廟不可以之享
神祇不可以廢祀宜從禮意式展孝思伏請自貞簡
太后升祔禮畢應宗廟使樂及群祀並准舊施行從
之
天成四年九月太常寺奏伏見大祠則差宰臣行事
中祠則差諸寺鄉監小祠則委太祝奉禮今後凡小

祠請差五品官行事從之
其年十月二十七日中書門下奏太微宮太廟南郊壇宰臣行事宿齋百官皆入事伏以奉命行事精誠宿齋既偏見於朝官不涉處於祠祭今後宰臣行事文武兩班望令並不得到宿齋處者奉勅宜依其年十二月中書門下奏今後宰臣致齋內請不押班不知郎不赴內殿起居或過國忌應行事官受誓戒後並宜不赴行香并不奏覆刑殺公事及太祠致齋內請不開宴從之

長與二年五月尚書左丞崔居儉奏太祠中祠差官行事皇帝雖不與祭其日亦不視朝伏見車駕其日或出於禮不便今後請每遇大祠中祠車駕不出從之
四年二月太常博士路航奏比來小祠已上公卿皆首祭服行事近日惟郊廟大微官其祭服五郊迎氣日月諸祠並祇常服行事兼本司執事人等皆著隨身衣裝狼籍鞋屨使隨公卿升降於壇埽按祠部令中祠已上應齋郎等升壇行事者並入給潔服事畢

收納今後中祠已上公卿請其祭服行事執事升壇
人並着履具緋衣幘子又臣檢禮閣新儀太微宮請
卯時行事近年依諸郊廟例五更行事今後請依舊
以卯時從之

清泰元年五月中書門下奏據太常禮院申明宗今
月二十日祔廟太尉合差宰臣擅行緣馮道假李愚
十八日私忌在致齋內今劉昫又奏見判三司事煩
請免祠事今與禮官參酌諸司忌日過大朝會入閣
宣名尚赴朝茶今祔享事大忌日屬私致齋日請比

太朝會宣名例差李愚行事從之

晉天福七年十一月勅天地宗廟社稷及諸祠事等
訪問自前所司承寬多不精潔宜令三司預支一年
諸司合請祠祭料物色等於大廟置庫仍差宗正
丞石載仁專主掌監察御史宋彥昇監庫兼差供奉
官陳審璘往洛京於大廟內穩使處脩葺庫屋五間
俟畢日催促所支物色監送入庫交付訖取收領文
狀歸閣每有祠祭諸司合請料至時委監庫御史
宋彥昇宗正丞石載仁旋給付其大祠中祠兼令

監察祭使檢照鑿造小祠即令行事官檢照如致悞
易本司當准格科罪其祭器未有者脩製已有者更
仰雅飾
開運三年六月西京留司監察使奏以祠祭所定行
事官臨日或遇疾病或奉詔赴闕留司稟勅已遲乞
以留司吏部郎中一人主判有缺使依次第定名庶
無缺事從之

周廣順三年九月南郊禮儀使奏郊廟祝文按禮例
云古者文字皆書於冊唐初悉用禮版唯陵廟用玉

冊玄宗親祭郊廟用玉為冊德宗朝博士陸淳議准
禮用祝版祭祀訖播之乃從其議貞元六年親祭又
用竹冊今詳酌禮例用祝版為宜從之

顯德五年閏七月一日御史臺奏見行事件諸司寺
監逐季請刻祠祭禮料幣帛脚錢等於宗正寺監察
使與本寺官同掌候至日供應

逐季所祭享郊壇祠廟並是禮部差官具名銜牒報
監察使大祠前七日赴高書省受戒誓如其日有官
不到其名銜申奏申堂前三日致齋前二日請道引

赴祠所中祠不受戒誓前二日致齋前一日請道引
赴祠所小祠不受戒誓候吏部陳到獻官名銜監祭
使點檢封記印禮料并諸司祇應人等發牒差驅使
官管押赴所交割
逐祠祭赴諸司所郊壇等至午時與公卿行事官立
班告潔省牲點饌畢給付太官令監厨造饌至未日
五更於壇所食饌畢行事點檢有食饌祭器不精應
奉有缺其本司人吏量罪責罰郊壇大廟宰臣撰太
尉行事至受誓戒及赴祠廟日監祭使具錄公卿行

事官名銜中迎班狀

應行事官未受誓戒前牒陳有故請假並是吏部別
差官行事如受誓戒後及致齋之內有官陳牒有故
請假監祭使差次官通撰行事祠齋前一日本寺按
閱申堂如至行事日音律樂官祇應前却監祭使量
罪區分太廟夾廟行祫享之禮所差行事公卿等並
聽別勅指揮諸祠祭有同日享祀閱監祭使具狀申
御史中丞請差官祀若是無官可差監祭使牒太常
博士通撰如缺太常博士監祭使通撰

祠祭行事公卿官員職掌等每至冬寒請柴炭太常
禮院差礼生請給監祭使監散

親謁陵

後唐末帝

清泰三年九月車駕將北幸太常博士段
顥奏河陽路當徽陵今車駕經由合親朝

謁於是至
陵所朝拜

周世宗

顯德元年六月車駕征大原四親拜嵩陵豐
陵號傷至陵所俯伏哀泣感於左右吾拜訖
祭奠而退賜奉陵將吏
及近郊人金帛有差

公卿巡陵

後唐清泰二年正月宗正寺奏北京永興長寧建極

三陵應州遂衍爽三陵准曹州温陵例下本州府官

朝拜雍坤和徽四陵太常宗正卿朝拜從之

晉開運三年七月中書門下奏太常禮院狀得宗正

寺牒今年八月擇日朝拜諸陵今太卜署擇用八月

十二日庚午告北京義惠康昌四陵准天福二年七

月勅宣統昌陵都朝拜其朝拜官以本府上佐官充

行事礼科亦准上供備

皇后陵

後唐同光三年十月貞簡皇太后葬於坤陵初上啟

相於代州太祖園陵中書門下奏議曰伏以人君以四海為家不當其南北洛陽是帝王之宅四時朝拜理須使近不能遠幸代州今漢朝諸陵皆近秦雍國朝陵寢布列京畿後魏文帝自代還洛之後園陵皆在河南兼勅應勳臣之家不許北葬今魏氏諸陵尚在京畿相葬代州理未為允從之

雜錄

後唐同光二年三月以尚書工部郎中李途為長安兩路檢視諸陵使其年五月二十四日勅宗正寺嚴

切指揮諸陵臺令丞不得輒令影占人戶其諸陵舊例令破巡人仍仰酌量額定類目自本州縣於中等人戶內差遣交付陵所切不得自招影占人戶攬擾鄉村致防縣司差遣色役使仰察其本官姓名申奏當行朝典仍具條約曉示諸陵臺及本州縣訖聞奏其年八月中書門下奏諸陵臺令丞並請停廢以本縣令兼知陵臺事從之

三年六月勅閔內諸陵項目表亂例遭穿發多未掩循其下宮殿宇法物等各令奉陵州縣府摠所營陵

園脩製仍四時各依例薦享逐陵各差近陵百姓二十戶放雜差役充陵戶以備灑掃其壽陵等一十陵亦一例脩掩量差陵戶仍授尚書工部郎中季進京兆少尹充奉脩諸陵使
廣順元年五月宗正寺奏准故事諸陵有令丞各一員近令丞不置使委本縣令兼之今緣河南洛陽是京色怨兼令丞不便伏候勅旨勅時旨令丞各一員
周廣順元年正月赦文唐莊宗明宗晉高祖皇各置守陵十戶以近陵人戶充

忌日

後唐天成三年又八月九日勅尚書兵部郎中蕭愿奏每遇宗廟不樂之辰宰臣到寺百官立班是日降使賜香准禁樂斷屠宰止刑罰者帝忌后忌之辰舊制皆有齋會蓋申追遠以表奉先多難已來此事久廢今後每遇大忌宜設僧道齋一百人列聖忌日齋僧道共五十人忌日既不視朝固難舉樂所奏止刑罰斷屠宰宜依兼河南府向來送酒行香宰臣自此土絕天下州府至國忌日並令不舉樂止刑罰斷

屠宰餘且依舊
四年十二月中書門下奏今後大忌前一日諸不坐
朝從之
晉天福五年正月御史中丞竇貞固奏每遇國忌行
香宰臣跪爐僧人表讚文武百官儼然列坐今後伏
請宰臣跪爐百官依常位立班從之仍令行香之後
齋僧一百人永為定制

諱

後唐天成元年六月十二日勅朕聞古者酌禮以製
名懼廢於物取其難犯而易避貴使於時况微彼二
名抑有前例恭以太宗皇帝自登寶位不改舊稱時
則臣有世南官以民部靡聞曲避止禁連呼朕以眇
躬托於人上冀遵聖範非敢有廢文書內所有二字
但不連稱並不得迴避如是臣下之名不欲與君親
同字者任自更改務從所使庶體予懷
三年正月詔曰本朝列聖及新追四廟諱近日章奏
偏倚文字皆闕點畫凡當出諱止避正呼若迴避於
偏倚則虧缺於文字亘從朴素庶使公私此後凡廟

諱但避正文其偏倚文字不在減少點畫
其年八月詔曰凡有姓犯廟諱者改以本望為姓
清泰二年五月中書門下奏御命上一字與諸王相
連按太宗玄宗廟故事人臣諸王合避相連字改從
單名從之

晉天福三年二月中書門下奏禮經云禮不諱嫌名
二名不偏諱注云嫌名謂聲音相近若禹與兩丘與
苞也二名不偏諱孔子之母名徵在言在不稱徵言
徵不稱在此古禮也唐太宗玄宗二名皆諱人姓与

國音聲相近是嫌名者亦改姓氏与古禮有異若廟
諱平姓字即不諱餘側若諱側字即不諱乎聲所諱
字二文乃偏倚皆闕點畫望令依今式施行勅朝廷
之制今古相沿道在人弘禮非天降况以方開曆數
度奉祖宗雖逾孔子之文夾周公之訓冀崇孝行永
載簡編所為二名及嫌名事依唐朝施行

冊命

梁開平元年八月初朝廷之儀封冊為重用報勲烈
以隆恩榮固令親式先舊帝久缺自我復行今後每

冊封大臣宜令有司備臨軒之禮
後唐同光二年三月太常禮院奏准制尚書令秦王
李茂貞備禮冊命檢詳舊儀無不帶節度使封冊之
命宜唯故襄州節度使趙匡凝封楚國例施行秦王
受冊自備革輅一乘載冊犢車一乘并本品鹵簿鼓
吹如儀從之三年六月太常禮院奏吳越國王錢鏐
將行冊命按禮文合用竹簡勅宜令有司備製玉冊
俾稱元勳議者以玉冊帝王所用不合假令人臣蓋
當樞密院承旨段佶受錢鏐之輅曲隨其
請樞密使部崇韜
不詳典禮故也

天成三年十一月十八日中書奏舊制凡降冊命至
尊臨軒伏自陛下纂襲純有封崇但中節度之儀尚
缺臨軒之禮今後或封冊請御正衙雖勞萬乘之尊
冀重九天之命如此則行之時禮備受之者感深寧
唯轉耀於皇猷實亦永標於青史從之仍付所司
清泰元年六月中書門下奏據太常禮院申冊拜王
公如在京城所司備鹵簿車輅法物皇帝臨軒行明
禮如在外鎮正衙命使押冊赴本道行禮車輅法物
故事不出都城禮無明文今奉制命幽州趙德鈞封

北平王青州房知温封東平王皆備礼册命其合用
車輅法物在兵部太常太僕寺請載往本例行礼後
送納本司從之

舉人自代

後唐清泰二年二月尚書吏部員外郎劉斤昂奏臣
伏觀建中元年正月勅中外文武臣寮授官上任後
三日舉一人自代事下中書如除用人選所薦多者
擬議多事已來此勅久廢今後重乞舉行從之
漢乾祐元年正月赦節文應內外常參官宜准唐建

中故事上任後三日表舉一人自代

後唐天成二年六月戶部尚書李麟奏應昇朝官四
品以上各許薦令錄兩人五品六品官各許薦簿尉
兩人勅所舉人除官後仍於官告內坐舉官姓名赴
仕之後或有不公連坐舉主魚三品已上有舊行
止堪充兩使判官者各具才業上聞
周顯德二年正月二十一日御札應在朝文資官翰
林學士兩省官內有曾歷藩郡賓職州縣官者宜各
舉堪為令錄者一人務在強明請慎公平勤恪其中

有己曾仕令錄亦許稱舉並常擢用不拘選限資序
雖姻族近親亦無妨嫌祇須舉狀內具言除官之日
仍署舉主姓名若在官貪濁不公懦弱不治職業廢
缺處斷乖違並量事狀輕重連坐仍令御史臺催促
本官旋具奏聞限兩月舉狀齊足如中使在外者候
迴日准中指揮

四年六月勅應在朝之資官各令再舉一人堪光令
錄及兩使防禦團練軍事判官者自前或自公過微
有殿犯者亦許稱舉餘准顯德二年正月二十一日

御札處分其年八月詔應在朝上將軍統軍大將率
府副率等宜令各舉有武勇膽力騎射矯捷堪為軍
職者三兩人仍其年歲及歷職去處聞奏如己在禁
軍者不在稱舉候舉到日並當比試騎射看驗之材
虽是姻親亦宜公舉但於狀內具言如應任用之後
不副所舉即量事狀輕重坐舉主

五年五月詔在朝文資官各令再舉堪為幕職令錄
者一人所舉幕職州縣官罷任後便與除官仍並許

赴闕

皇太子親王見三師禮

後唐長興四年七月二日太常寺奏奉勅詳定太子諸王見師傅禮如左

一准開元禮皇太子與師傅保相見前一日尉衛設次於宮門外道西南向於官展軒懸於庭其日諸衛所部屯門外伏典謁設師傅保於西階之西東向三少位次之少退俱東向北上師傅保及三少至宮門通事舍人引師傅保就次左庶子奏中嚴伶官師工大人就位通事舍人引師傅保及三少立於正殿門

西差退俱東向左庶子奏外辨皇太子著後省服以出侍衛如常承和樂作至東階下西向立樂止通事舍人引師傅保及三少入樂作就位樂止皇太子再

拜師傅以下答拜

若三少見時則三少先拜

通事舍人引師傅已

下出樂作出門樂止左庶子跪奏稱臣某言禮畢

一又准禮閣新儀皇太子受冊後前二日尚舍設次於崇明門外南向又設師傅保中書門下文武百官東西相向以北為上官臣及皇親陪其後次左庶子奏外倫中官襄簾皇太子常服出次南向五待從如

常儀次中書門下就北向位再拜訖禮官贊皇太子
再拜訖中書門下班首一人前進賀訖復位再拜皇
太子答賀訖又再拜皇太子揖中書門下訖相次退
通事舍人禮官贊皇太子再拜師傅等少避位訖師
傳為班首者一人進賀訖復位再拜皇太子答賀訖
又再拜皇太子揖師傅退出內侍奉引皇太子就座
南向座訖通事舍人引文武宮臣三品次下入就北
向重行異位立定奉禮曰再拜訖左庶子一人進跪
具官臣某等言賀訖復位皆再拜各分班東西序立

奉禮曰再拜在位官皆再拜訖左庶子少前跪奏具
官臣某言禮畢近侍垂簾皇太子降座宮臣侍衛伏
散如儀

一准會要貞觀十七年上謂房玄齡曰太子三師以
德道人者也若師禮卑則太子無所取則於是詔今
撰三師儀注太子出殿門迎先拜三師三師答拜每
門讓三師坐太子乃坐與三師書前名惶恐後名惶
恐再拜右掖大常禮院狀謹檢開元故事禮閣新儀
及會要分析加前其師傅見親王不同皇太子見師

傳臣請師傳臣王封拜揖各退奉勅宜依

鄉飲

後唐清泰二年九月中書門下帖太常以長與三年
勅請舉人常年薦送先令行鄉飲酒之禮宜令太常
草定儀注頒下諸州預前肄習解送舉人之時便行

此禮其儀遠具奏聞初長與中宰臣李愚好古奏行

觀禮官所定無緒禮直孫知訓以古禮無次序不可
施行博士或言梁朝時青州曾行一度遂令青州訪

舊簿書以聞
竟不能行

講武

梁開平元年十月駕幸繁臺講武至二年七月改為

講武臺按地理志本西漢梁孝王所築謂之吹臺
其後有繁氏居其側故里人呼之繁臺

本朝制表例

後唐同光二年八月勅四京并諸道州府及京百司

應申奏諸色公事奏狀等先曾指揮並須實封斜角

其常程奏狀於斜封上明顯所為公事或干軍機言

不題事直至御前間封近呈事宜指揮四京及諸道

今散下管內諸州依元宣旨處分其在京百官仍令

御史臺各錄勅文曉告

天成元年七月勅三京諸道節度團練使防禦使勅
史文武將吏州縣職員皆進月旦起居表其四五月
旦並可止絕

三年七月二十一日勅今後天下諸州刺史及係屬
節鎮團練防禦使除應

聖節冬年端午外謝上及每月起居慶賀章表並付
本道封進其餘公事准往例節度觀察使騰覆奏聞
長興元年五月太常禮院奏皇后今日十四日受冊
准舊儀外命婦並合赴皇后受冊正殿門外就次俟

受冊訖司賓引入就位奉賀今未有命婦院請准例
上表賀中書門下奏其諸道節度使上表賀皇帝其
在朝外命婦所上皇后表章進呈訖不下令報答自
此不更進表皇子妻駙馬公主及進密親舊或有慶
賀及進起居章表內中委人主掌進呈後祇宣示未
使並不下令從之

其月太常禮院奏按儀制令百官上疏於皇后曰皇
后殿下中外臣寮外命婦慶賀祇呼殿下不言皇后
中書覆奏據太常禮院狀若祇呼殿下恐未合宜至

如舊制皇太子亦呼殿下若無分別何顯尊卑凡上
皇后表章內請呼皇后殿下若不形文字尋常並呼
皇后從
二年五月樞密院條疏諸進報軍機表狀於斜封上
不得言為何事宜二字
晉天福二年十月中書門下奏按禮閣新儀貞元二
年十月七日御史臺奏每月慶賀及諸上表並合上
公之制可今後凡有謝賀上表望並准元勅上公行
之如三公闕令僕已下行之中書門下別貢表章從

五代會要卷第五

待制官 祥瑞 行幸 追賞

節日 大內 大寧宮

長春宮 華清宮 諸宮 雜錄

受朝賀 三王三恪 朔望朝祭 閣儀附

待制官

後唐天成元年七月御史臺奏伏准故事每月百官

入閣百司排儀仗金吾勘契入後百官待制次對入

閣奉論本司公事左右起居分記言動以付史館編

錄此大朝經久之道也近奉勅旨百官除常朝外依
宰臣每五日一度入內起居拜訖便退總度一有公
事亦宣倦行因此廢待制次對之官今後伏訖每月
朔望兩度出後文明殿排入閣之儀諸司依前轉對
奏論本司公事兼乞因宰臣五日一度延英之除而
官要奏事者臨到便許引入如或以山陵入近朔望
不生即取次日亦合舊規候過山陵却復前制勅其
五日一度起居之際班行內要奏事者便出班奏對
自後有奏請五日入內起居之際令百官次第轉對
從之

三年十月尚書吏部員外郎趙鼎奏百官待制每歲
奏于殿庭慮洩机事請許封章上聞從之
其年十二月十日中書門下奏朝官每待制不計度
教具三代名諱奏聞伏以臣子之道資忠孝以為先
祖考之名形翰墨而非異初升朝者不可有缺久在
者仰必更然日日赴朝不必疏遠之地時時待制忍
煩頓蹙而書况屢瀆於天聰且無益于時政宜更往例
別示新規今後自外任除授朝官者仰具三代名諱

一度聞奏仍付所司其久在班者每遇待制不令更
通三代名諱從之
長興二年八月勅令後宰臣文武百官每五日内殿
起居仍舊其輪次轉對宜停若有取見許非時上表
其朔望入閣待制候對一依舊規
晉天福七年三月勅今後百官每五日一度内殿起
日輪差兩員官其所見實封以聞
漢乾祐三年八月結事中陶穀奏乞停内殿五日轉
對朝臣中或有所見于非時詣闕門拜章論奏從之
周顯德四年五月詔今後每遇入閣其待制官候對
官及文武臣寮非時所上章疏並瀆直書其事不得
隱情但云某人有所武某人能理人某処所官吏因循
某州縣刑獄冤濫某事利于國而未卒某事害於民
而未除經營四方者術策何施裨贊萬機者駟遺何
補何人讜正之士何人詐偽之端當竭言之朕自詳
覽其待制候對官令在于文班内輪次先不在祇取
形法官

後唐同光二年二月唐州奏淮瀆廣潤王廟前有两
樹東西廂去七尺五寸其樹各出地七尺五寸兩樹
相向連理畫圖以進

其年九月萊州奏即墨縣人李夢微室內柱上生芝
草兩本画圖以進上宴樂于嘉慶殿諸道貢物稱賀

三年三月脩東京月陂堤至立德坊而古岸得玉璽

一紐文曰皇帝行寶

都部署朱守殷表上之命書
門下宜示百官宰相豆盧革等

驗其篆文曰皇帝行寶方圓八寸厚二寸背紐玄龍
光瑩妙莫可知湮墜之由自秦漢以來天子之璽天
子有六文曰皇帝行之璽皇帝信璽皇帝行璽天子之

璽天子信璽天子行璽至唐玄宗時改用同璽漢董

卓遷獻帝于長安表術將孫堅攻卓叔洛陽營于城

南見甌官井有五色氣掘之得漢傳國璽文曰受命

于天既壽昌方圍罽紐玄五龍一角小缺議者意張

護幼帝出掌帝璽者投之甌并故色今之所得即六

璽之一也守殷又于積善坊得古文錢四百五十六

文文曰得一九宝皆曰順天元宝

天成二年五月懷州進白鵲至六月兖州進三足鳥

四年七月遂州進嘉禾一莖九穗百官稱賀勅付史

館編錄

長興三年十月萊州奏即墨縣人王及家生芝草一
本三枝分三岐或兩岐上漸相向成片而圓色紫莖
葉一色其白高尺餘上命勅官中舊進芝草四色本

莖皆同

晉天福八年三月有白鳥棲於作坊廂樹

開運二年十一月鄧州奏獲縣和平鄉行念歡圖進

之至三年登州文登縣地內磅出金銅佛像四甍佛

像十

漢乾祐三年五月賴州進白鹿至三年五月太原進

白鳥白兔

周顯德元年河南奏汜水縣民家生紫芝數莖進至

三年穎州進白兔翰林學士尚書兵部侍郎知制誥

陶穀進紫芝白兔頌

雜錄

周廣順元年正月五日制書節文帝王之道德化為

先崇飾虛名朕所不取苛致理之未悛雖多端以受

為今後諸道所有祥瑞不得輒有奏獻

行幸

晉天福二年十一月中書門下奏准新令車駕巡幸

所在州縣官人見駕所祇承者賜會並同京官從之

周廣順二年五月東駕親征兗州御札宣示沿路側

近節度防禦團練使刺史不得離本州府來赴朝覲
其隨駕一行供頓並取紫省錢物準備差使臣勾當
仍預報告一路州縣並不得別有排此其隨從臣寮
外內諸司官中已有供給州縣亦不得別有破費祇
供其要載動用什物亦已指揮備辦如闕少之時
候見宣命即供應祇不得預前排比如裏私有人小
小取索並不得應副或軍部及諸色人於迷路店肆
買須食物先些還價錢兩京留守司百官祇於途中
附表起居時熱不用差官至行在所沿路指揮事件

車駕回日亦依此施行

追賞

周顯德五年九月賜宰樞密使翰林學士中書舍人

宴於玉津園張教坊樂

先是上以前代有賜百官觀
緣之事後以是歲秋成念內

臣之勞倦
故有是命

節日

後唐同光四年四月十九日明宗勅旨應中外臣寮
及三京諸道州府如是謝賀并節序並可據有無量
力進奉不得因茲培歛傷耗生靈至於奇巧珍玩飛

放搏噬之物並不得轉將進奉

天成二年三月五日門下侍郎兼工部尚書平章事
判三司任圜奏三京留守諸道觀察節度諸道州防
禦使刺史每年應聖節及正至等節供奉或思命改
轉或討代勝捷各進獻馬伏見本朝舊事雖以獻馬
為名多將紋銷金銀折充馬價蓋跋涉之際護養稍
難因此郡方俱為定制自今後伏乞除蕃部進駝馬
外諸州所進馬許依天福三年以前事例隨其土產
折進價值異貢輸之稍易又誠敬之獲申兼欲於諸
處揀孳生馬准舊制分置監牧仍委三司使別其制
置奏聞

清泰二年正月中書門下奏每遇聖誕節辰凡刑獄
公事奏覆候次施行今後伏請重繫者即候次月
輕繫者節前奏覆決遣從之
晉天福四年九月勅每平寒食七夕重陽及十月煖
帳內外臣寮進獻並宣停
六年正月勅今後冬至寒食端午天和節及諸色謝
賀無屬別錢處不得進奉

周廣順三年七月勅内外文武臣寮遇永壽節辰皆
於寺觀起置道場便為齋供訪聞皆是醮所宜減
損以足公私今後中書門下與文武百官等共設一
齋樞密使與内諸司使副等共設一齋侍衛親軍馬
步軍督指揮使已下共設一齋其餘前任官員及諸
司執掌並不得開置道場及設齋

獻俘

後唐天成四年二月定州行營招討使王宴球來獻
王都首級并俘獻馘上御威安樓立伏百官就列尚
書兵部宣露布於樓前宣訖尚書刑部侍郎張文室
奏曰逆賊王都首級請付所司大理卿蕭希甫受之
以出獻于郊社其王都男并蕃將禿餒等命磔於開
封橋百官稱賀

晉天福七年正月鎮州行營招討使杜重威奏曰二
日收復鎮州傳逆人安重榮首級來獻上御乾明樓
伏衛如儀宣露布訖大理寺受俘馘付市狗之百官
稱賀命添其首傳于契丹

其年九月袁州行營都部署高行周等執逆賊安從

進男弘受判官王弼李光圖等四十四人來獻上御
乾明門受俘宣露布訖百官稱賀命狗於市
漢乾祐二年七月西面行營都部署露布獻河中
獲逆賊李守正首級并俘賊等上御明德門接受俘
群臣稱賀
三年正月鳳翔節度使趙暉奏請供奉官張銖押逆
賊王景崇首級并同惡周際闕下獻俘命狗于六
御磔于西市

大內

梁開平元年四月改正衙殿為崇元殿東殿為玄德
殿內殿為金殿萬歲堂為萬歲殿殿門如大內正門為
元化門皇城南門為建國門滴漏門為殿運門下馬
門為昇龍門玄德殿前門為崇明門正殿東門為金
烏門西門為玉兔門正衙東門為崇禮門東偏門為
銀臺門晏堂門為德陽門天主門為賓天門皇城東
門為寬仁門後儀門為後載門皇城西門為神獸門
望京門為金鳳門
三年十一月以乾文院為文思院行從殿為興安殿

迷場為興安迷場弓箭庫殿為宣威殿

晉天福二年八月改玄德殿為光政殿門為廣政門

四年改明德殿為滋德殿以官城南門同明故改之

周廣順元年六月勅以董風等門為京城門明德等

門為皇城門啟運等門為宮城門昇龍等門為宮門

崇元等門為殿門

右已上東京

梁開平二年正月改正觀殿為文明殿含元殿為朝

元殿三年十月改左右章善門為左右銀臺門其左

右銀臺門為左右門善門

後唐同光二年正月朝元殿却改為含元殿崇勳殿

改為中興殿應順門為永曜門太平門為萬春門通

政門為廣政門鳳鳴門為韶和門萬春門為中興門

解御殿為明瑞殿其年九月以內園新殿為長春殿

右已上西京

晉天福六年改皇城南應天門為乾明門北門為玄

德門西門為千秋門東門為萬春門七年三月改宣

明門為來鳳門武德殿為視德殿文思殿為從德殿

画堂為天津殿寢殿為乾福殿殿門如

右以上鄴都

太寧宮

晋天福二年五月御史臺奏汴州在梁室朱氏称制

之年有京都之號及唐莊宗平定河南復廢為宣武

軍至明宗行幸之時掌事者因錄脩葺衙城遂掛梁

室時宮殿門牌額當時識者咸竊非之一時車駕者

方暫居梁苑臣觀衙城內齋閣牌額一如明宗行幸

之如並都號而有殿明恐非處臣等竊惟秦漢以

未寰海之內蓋輿所至多立宮名近列隋室于揚州

立江都宮太原立汾陽宮岐列立仁壽宮唐朝于太

原立晋陽宮同列立長春宮岐列立九成宮宮中殿

閣皆題置牌額以類皇居請准故事於汴州衙城門

權挂一宮門牌額則其餘齋閣並可取便為名勒行

闕宜以太寧宮為名三年十月勅汴州昇為東京其

太寧宮門樓宜以顯德為名

長春宮

梁開平元年五月中書門下奏請廢同列長春宮使

從之
後唐同光元年十一月復置長春宮使類

晉天福四年四月勅其同列長春宮使類宜停泐宮
職務委列司制置

華清宮

晉天福四年五月廢為靈泉觀

梁開平元年五月以水北宅為大昌宮
後唐天成元年六月中書門下奏請以洛京潛龍舊

宅為至德宮北京舊宅為積慶宮從之

晉天福二年十一月中書門下奏請以洛京潛龍舊
宅為廣德宮北京旧宅為與義宮北京旧庄為慶昌

宮
仍改御為堯
鄉里為神克里

梁開平元年八月勅諸道所有申奏軍事合亟至右
銀臺門委容省使画時引進尋常公事以前四方館

收接
乾化元年五月勅左右銀臺門朝茶諸司使軍使已

下不得帶從人出入親王許將一二人執條手簡餘
悉止闌入者抵律闈守不禁与所犯同

受朝賀

後唐天成三年十月廿一日中書奏冬至日文武百

寮諸東上閣門拜表稱賀儀注前一日所司於閣門

外量地之亘設中書令捧表位禮部郎中押表案位

及文武常恭官為如常儀其日文武百寮依時刻俱

詣門外列班如式次通事舍人贊引中書門下入就

位立定典儀曰再拜應在外官俱再拜訖禮官通事

舍人引中書令詣捧表位禮部郎中取表授中書令

跪受復置於案其案禮部令史二人對前幕至位中書令播笏

捧表跪授閣門使跪捧表側立候中書令退歸本班

立定典儀曰再拜應在位官俱再拜舞蹈三稱萬歲

又再拜訖閣門使捧表以進次閣門使宣答出詣中

書門下班前有勅典儀曰再拜應在外官俱再拜

宣曰履長之慶与卿等同之宣訖典儀曰再拜應在

位官俱再拜舞蹈三稱萬歲又再拜訖相次退如常

式右太常禮院狀准禮例脩撰如前案開元八年

書奏冬至一陽生萬物潛動所以自古聖帝明王皆
此日朝萬國觀雲物禮之大者莫踰是時其日祀圓
丘皆令攝官行事質明既畢日出視朝有國己未更
無改易若親拜南郊受朝須改行勅自今己後冬至
受朝永為常式至永泰二年十一月詔冬至令有司
祭南郊于含元殿受朝賀至建中二年勅宜以冬至
日受朝賀至正元四年中書侍郎李泌奏冬至受朝
賀請准元日中書令讀諸方表勅旨宣依准六典殿
中侍御史凡冬至元日大朝賀升殿者伏以天運四
時節分二至陰勝則臣道熾陽盛則君德興且一家
之尊祭先祖畢受子孫之賀豈為國之主祀圓丘止
臣下之朝宜按旧章以先令節冬至日望准本朝前
後明勅处分奉勅宜依又七年四月二十八日勅昔
者聖賢仰觀法象因天地交會之次為父子相親之
儀沿襲成風古今不易土者制事在于因人酌其情
而使其中順其俗以為禮成觀之禮既行父子之間
資事之情豈隔君臣之際自今後每年五月一日御
宣政殿与文武百寮相見京官九品已上外官因朝

奏在京者並聽就列宜令所司量定儀注頒示天下
仍編禮式永着常規者伏以本朝旧典近代不行方
當開泰之朝難曠會同之禮宜與墜典以耀明之五
月一日應在京九品以上官及語道進奉使並准正
元七年勅就位起居自此每年永為常式者奉勅宜
依

清泰元年四月中書門下奏太常以五月朔御明堂
受朝三日夏至祀皇地祇前二日奏告獻祖室不坐
比正至是日有祀事則次日受朝今祀在五鼓前質
明行礼畢御殿在始且後請比例行之勅日出御殿
与祀事無妨宜依常例施行

二年十二月太常礼院奏来年正月元日合御明堂
受朝賀其日上幸祀具天上帝於南郊依礼大事不
坐勅祀事在質明前儀伏在日出後事不相于宜依
常年受朝

晋天福四年十二月太常礼院申奏勅約開元礼重
定正冬朔會按開元礼三品以上升殿羣臣在殿請
泫近礼依内宴列堅據開元礼稱賀後皇帝戴通天

冠服絳紗袍百官朝服侍坐解例履于樂府之西北
今京邑新造殿廷隘狹請皇帝冠烏紗中服赭黃袍
百寮其公服侯朝堂宏敞即奉儀二舞鼓吹熊羆之
樂工師樂器等事因久廢不可卒備請且設九部樂
用教坊伶人詔曰三品之官尚書坊得升殿餘依所
奏唐書卷一百一十五二王三恪唐書卷一百一十五
梁開平二年三月以唐宗子鳴臚鄉李從封萊國公
為二三後四月中書門下奏萊國公李從合於西都
選地建立三廟以備四仲祭祠每祭仍令度支供給
祭料從之

其年十二月禮儀使奏謹按唐朝以魏元氏子孫封
韓國公為三恪以周宇文氏子孫封介國公隋楊氏
子孫封鄴國公為二王後今國家受禪封唐李氏宗
子李從為萊國公今請以介國公為三恪鄴國公萊
國公為二王後從之
晉天福二年正月勅周以祀宋封夏殿之後為二王
後兼封舜之後為三恪唐以周隋之後封公為二王

後又封魏之後為二恪宜于唐朝宗屬中舊一人封
公世襲兼隋之鄰國公為二王後以周後公國公備
三恪其主祀及赴大朝會委所司具典祀申奏其唐
朝宗屬中舊在朝及諸通為宮者各據資歷考限滿
日從品秩序遷已有出身任令參選
四年九月勅周受龍門立夏殷之祀唐膺鳳曆開鄰
分之封乃騰前朝載稽舊典宜闢土宇俾奉宗祧亘
以郇國三千戶封唐許王季從益為郇國公奉唐之
祀服色旌旗一依舊制以西京至德公為廟牲幣器
祭服悉從官給

朔望朝參

梁開平元年十月中書門下奏請每月初八日廷英
聽政永為常式從之

後唐天成元年五月三日勅令後宰臣文武百官除
常朝外每五日一度入內起居其中書非時有急切
公事請開延英不在此限

晉天福二年十一月中書門下奏准唐正元
九月五日勅文官充翰林學士及皇太子諸王待讀

武官免將軍職事並不常朝忝其在三館諸寺職事
官並朝忝訖各歸所務者自累朝已未文武在內廷
充職兼判三司或帶職額及六軍判官等例不赴常
朝先無正勅准近勅文武職事未升朝者按旧制並
赴朔望朝忝其翰林學士侍讀三館諸職事官望准
元勅處分其諸在內廷諸司使等每受正官之時來
赴正衙謝後不常朝三司職官免常朝唯赴大朝會
其京師未升朝官祇赴朔望朝忝帶諸司職掌者不
准此例文官除端明殿翰林學士樞密院學士中書
省知制誥外有兼官兼職者仍各祭遣木司公事從
之其月中書門下奏應供奉官常忝官朔望朝忝按
六典凡京官百司有常忝官謂五品已上職事官職
事官八品已上供奉官員外郎監察御史太常博士
諸司長官謂三品已上若勅喚諸司長官及賜物者太
子賓客尚書左右丞諸司侍郎中書門下五品已上
官御史中丞並同長官例若別賜物中書門下正三
品准二品四品准三品五品准四品同中書門下平
章事並同中書門下正三品官按會要侍中旧是正

三品大曆二年改為正二品中書令同今中書門下
平章事望同中書門下正二品按六典禮部九京百
司文武職事九品已上每朔望朝恭五品已上及供
奉官員外郎監察御史太常博士每日朝恭從之

入閣儀

司天進時刻排閣門進班齊牌皇帝自內者袍衫穿
靴乘輦至常朝殿門駐輦受樞密使已下起居訖引
駕至正朝殿皇帝坐定捲簾殿上添香喝控鶴官拜
次鷄叫官次閣門勅契次閣門承旨喚仗次閣門使
引金吾將軍南班拜訖分引至位對揖次細仗相次
入次執文武班薄至位對揖次宰臣南班拜訖分引
至位對揖次金吾將軍奏平安次文武百官入通事
舍人揖殿執靴入沙墀兩拜立定次引宰臣及兩省
官金吾將軍合班立定閣門使喝拜播笏舞蹈三拜
奏聖躬萬福又引宰臣班首一人至近前跪奏又兩
拜舞蹈三拜引至位對揖通事舍人引宰臣於東西
路道下立次文武百官出次兩省官南班揖殿出次
翰林學士南班揖殿出次執文武班部南班揖殿出

次金吾將軍南班揖殿出次細仗出次引宰臣香案
前奏事訖宣徽使唱好去南班揖殿出次揖閣門使
引待制官到位兩拜引近前奏事訖却歸位磬折宣
徽使宣所奏知又兩拜舞蹈三拜舍人唱好去南班
揖殿出次刑法官奏事准上次監察御史南班揖殿
出次起居南郎班揖殿出次閣門承旨放仗次閣門
使奏衙內無事次唱控鶴官門外祇便次下簾皇帝
上輦歸內

五代會要卷第五

五代會要卷第六

開延英儀
常朝
廊下餐
雜錄
諸候入朝
親王與朝臣行五位
文武官朝謁班序
內外官章服
雜錄
論樂上
內中有公事商量即降宣頭付閣門開延英閣門翻
宣申中書并榜正行門如中書有公事敷奏郎宰臣

入勝子奏請開筵英祇是宰臣赴對閣門使奏宰臣
某已下筵英侯對宣徽使殿上宣通次閣門使奏中
書門下到次宣徽使喚次閣門使傳聲喚次通事舍
人引宰臣當殿立班替兩拜播笏舞蹈又三拜奏聖
躬萬福又兩拜金口宣上來又兩拜通事舍人引上
殿至御座前又兩拜問聖體皇帝宣安又兩拜三呼
萬歲各分班案前立定兩樞密使在御榻西面祇候
其餘臣寮並約近外次奏事訖宣賜茶又兩拜三呼
萬歲賜坐喫茶對訖下殿兩拜宣賜酒食舞蹈謝恩
訖宣徽使喝好去就中書喫食筵英畢次兩省官轉
對閣門使當殿奏某已下轉對宣徽使殿上宣通次
閣門使奏某已下到次宣徽使喚次閣門使傳聲喚
次通事舍人引當殿立定贊兩拜播笏舞蹈又三拜
奏聖躬萬福又兩拜殿下奏事訖宣賜酒食又兩拜
舞蹈謝恩閣門使喝好去南班揖殿出于客省就食
及對官御史中丞三司使京兆尹並各奏所司公事
次閣門使奏某祇候次對宣徽使殿上宣通次閣門
使奏某到次宣徽使喚次閣門使傳聲喚次通事舍

人引當殿立定贊兩拜搢笏舞蹈三呼萬歲又三拜
訖奏聖躬萬福又兩拜奏所司公事訖宣賜酒食又
兩拜舞蹈謝訖閣門使喝好去南班揖殿出于客省
就食令赴延英中謝官文武兩班三品及御史中丞
左右丞諸行侍郎諫議給事中書舍人并諸道節度
觀察防禦團練使刺史兩縣令皆入謝並通喚文武
四品已下及諸道行軍使馬節度副使兩使判官書
記支使推巡令錄等舊例並不對殿申謝祇於正衙
朝謝

常朝

梁正明中中書門下奏文武常參官自今日連三
日常朝訖先位宣旨每三日後放一日朝參者右臣
等商量望准
放今日朝參已使宣行訖檢年
月日不獲

後唐同光元年十二月中書門下奏每日常朝百官
皆拜獨兩省官不拜准本朝故事朝退于廊下賜食
謂之廊餐百官遂有謝食拜唯兩省官本省有厨不
赴廊餐故不拜伏自僖宗幸蜀迴以多事之後遂廢

廊餐百官拜儀至今未改將四十載祀恐難停唯兩
省官獨尚不拜豈可終日趨朝曾不一拜獨於班列
有所異同若言官是近臣於禮尤巨肅謹起今後逐
日常朝宣不坐除職事官押班不拜外其兩省官與
東西班並齊拜從之

天成元年五月十九日勅本朝舊日趨朝官置待漏
院候子城門開使入立班如遇不坐前一日晚使宣
來日兩衙不坐其日終明閣門立班使宣不坐百官
各退歸司近年已來雖遇不坐正殿或是近英對宰

臣或是內殿親決機務所司不循舊制往及辰已
之時尚未放班院日色已高致人心減倦今後若遇
不坐日未御以殿前使令閣門使宣不坐放朝退班
三年十二月中書門下奏逐日常朝宣奉勅不坐兩
省官與東西兩班並拜押班宰相不拜或聞班行所
論承前日有廊餐百官謝食兩省即各有常儀從來
不拜或云侍臣不拜檢尋故實不見明規百寮拜為
有廊餐即承旨合宣有勅賜食供奉官不拜亦恐非
儀且左右前後之臣日面天顏豈可不拜臣等高量

今後常朝押班宰臣亦拜通事舍人亦拜閤門外放
伏亦并從之

晉開運元年十一月尚書吏部侍郎張昭遠奏文武
當參官曰於正衙立班閤門使宣不坐後百寮俱拜
舊制唯押班宰相押樓御史通事舍人各緣提舉贊
揚所以不隨庶官俱拜自唐天成未議者不悉朝儀
遽違舊典遂令押班之職一例折腰此則深忽禮文
殊乖故實且宰臣居庶寮之首御史持百職之綱嚴

肅禁庭禮繩班列慮於拜揖之祭或夾進退之宜於
是凝立靜觀檢其去就若今旅拜旅揖實恐非儀况

事委酌中恭頌近禮人臣愛主不在乎斯其通事舍
人職司贊導比者兩班進退皆相其儀今則在文班
武班之前居一二品之上端笏齊拜禮實未聞其押
班宰相押樓御史通事舍人並請依天成三年已前
禮例施行殿中侍御史賈玄珪奏除押樓御史通事
舍人請依張昭遠奏其宰臣押班請依舊彼拜從之

廊下餐

後唐天成元年五月詔每月朔望日賜百官廊下餐

唐室升平日常參官每日退朝賜食謂之廊餐自乾
符離亂之後祇遇月旦朔日入閣賜食初即命
百官立日一起居李琪以為非故事請罷之唯每月
朔望日命入閣賜食至是宣旨朔望入閣外依舊五
日一起居
遂為定式

二年四月御史臺奏今月三日廊下餐百官坐定兩
省方來自五品以下輟起勅每赴廊餐如對御宴若
行私禮是失朝儀宜各罰半月俸

長興三年三月詔文武兩班每遇入閣賜食從前御

史臺宮及諸朝官皆在殿政門外兩廊食唯北省官

於敷政門內別坐既為隔門各不相見致行坐

難于肅整今後每遇入閣賜食北省官亦宜令於敷

政門外東廊下設席以北為首待班齊一時就坐

晋天福二年三月御史臺奏唐朝令武南衙常參官

文武百官每日退朝於廊下賜食自唐末亂離常食

漸廢仍於入閣起居日賜食每入閣禮畢閣門宣放

伏群臣俱拜謂之謝食至清泰年中入閣禮畢更差

中使至正衙門口宣賜食百官並立班軍謝交失本

根今後入閣賜食望不差中使口宣從之

其年四月御史臺奏文武百官每月朔望入閣禮畢

賜廊下食在京時祇於朝堂幕次兩廊下今在行朝
於正衙門外權為幕次房廊狹溢伏恐五月一日朝
會禮畢准例賜食於幕次難為排比伏見唐明宗時
兩省官于文明殿前廊下賜食今未審入閣日權于
正衙門內兩廊下排比賜食為復別有處分勅宜依
明宗時舊規廊下賜食
周顯德四年正月詔曰文武百寮起今後每遇入閣
日賜廊下食

輟朝

梁中書門下奏請輟朝榜子

檢年月不獲

某官薨

狀贈官

右臣等商量請輟今日每日朝以便宣行謹錄奏聞
謹奏如是輟朝兼宣放勅并下御史臺

乾化元年五月清海軍節度使守侍中兼中書令劉

隱薨輟朝三日百寮詣門奉慰

後唐天成元年十一月中書門下奏太常禮院狀進

冊四廟金不載文請輟三日朝奉從之

晉天福三年二月前占元節度使張筠薨太常禮院
申准故事前節度使無禮例輟朝勅宣特輟一日朝

恭奉... 雜錄

後唐同光二年正月四日四方館奏常朝諸職員多
恭雜今後除隨駕將校外方進奉使文武兩班三品
已上官可於內殿對見其餘並詣正衙以申常禮從
之

天成元年八月御史臺奏凡新除官及差使者合於
正衙謝辭每遇正殿起居日百官不于正衙序班致
差使及新除官辭謝不得或怨差使者已定歲日除
宣確議以一日無班便妨辭謝臣今參詳每內殿起

居日百寮先序班于文明殿庭候辭謝官退則班入
內殿從之

其年十二月三日御史臺奏為論每日常朝及五日
起居事件如後

一常朝辭謝官合在南班候閣門宣放朝參于百官
同拜者過入閣敷政門外序班百官雖不拜亦因傳
宣喚伏南班以此節奏便展拜儀今伏見每遇內殿
起居日先於常殿前序班百官雖不設拜祇候宰臣

到便依次入閣門祇候起居固不便傳宣命若有
南班辭謝稍似非宜伏請自今後其日不許辭謝皆
今次日便有常朝班即得辭謝若遇急前公事即請
准舊例合隔門辭謝或於祇候宜放其文武兩班不
更於文明殿前序立祇於中興殿門外序立祇候奉
臣到便依次第入起居伏准故事常參官每日趨朝
非准格令不得無故請假如或實有疾病為衆所知
損後未朝參不得私行人事若是除授新官勅下
後未正衙謝間並不得行私禮及先到宰臣宅如違
准故事奪勘如更有臨公事訖故請假必申中書門
下取裁此後如有小小事故請假一月內不得過三
度若過三度一日二日即書罰三日不到即申中書
門下請具聞奏已條流知班驅使官兩巡仍不得輒
受囑託旬班若遇祁寒暑兩特放即繫在聖恩伏准
故事吏部選限自貞觀八年唐故為吏部侍郎以選
人稍衆奏請以冬初大集季春而畢今緣選人未多
免朝合約新定條格伏請南曹郎官自錄曹前五日
免朝三日銓自錄銓前三日免朝至三月三十日若

遇入閣及起居內宴橫行恭假追朝御樓御殿謝賀
行香閣門班中書班城外班衆集並須准倒祇候如
或一度二度不到書罰三度不到申中書門下清具
聞奏其餘並不得無故入班

一應免朝官三司繫職并兩縣徵科內除免常朝外
並清吏部銓曹免朝例祇候如或不到准前書

罰奉勅盧文紀自領憲綱頗思振舉備觀條奏皆時
通規李琪以內殿起居不廢辭謝並恐留滯乃是權

宜盧文紀以正衙序班怨隳故事清候次日亦可免
依所請三銓免朝事繫繫省選人既少公務非多宜

且依清奏銓錄前五日免朝將來人數漸多須容點
檢即許開曹後免朝永以爲例

三年十一月十一日中書舍人列贊奏往例應諸道
節度使及兩班大寮凡對明庭例合通喚近日全廢
此儀伏乞特詔所司重定向來格呂若合通喚准舊
施行中書帖四方館令其事倒分析申上據狀稱舊
例節度使新除中謝及罷任赴闕朝見合得通喚又
班三品已上官武班二品已上官新除中謝及使回

朝見亦合得通喚從之

四年正月十七日中書門下奏准往例起居補闕拾遺御史郎中員外郎少卿監國子司業已下每加新命祇於正衙謝後便常朝竊見邊遠合錄尚自對敗班行臣寮並且申謝今後凡升朝官望並令申謝從之

長興二年十二月七日勅前任節度防禦團練使刺史今後免逐日常朝宜令五日隨例起居

四年四月九日勅御史臺刑部大理寺官員遇有公事推勘詳斷時宜與免朝參兼不得私行人事若無公事即依尋常赴朝

清泰三年三月閣門奏列內外官吏對見例應諸列差判官軍將貢奉到闕無例朝見以名衙奏放門見賜酒食得迴詔進勝子放門辭臣今後欲祇令朝見餘依舊規應諸道兩使判官推官巡官無例中謝奏過謝放辭如得替歸京無例朝見臣欲今後除兩使判官許中謝門辭其書記已下新除援及得替無依舊規應文武朝官除授文五品武四品已上並神謝

已下無例對謝以天成四年正月勅凡升朝官新授
並中謝欲准此例應諸道節度使差判官軍將進奉
到闕朝見得廻詔下榜子奏過令門辭應諸道都押
衙馬步都虞候鎮將得替到京無例見或在京授任
無例中謝進榜子放謝辭應諸道高稅鹽麴諸色務
官在京差補亦放謝辭得替歸京亦無見例在京高
稅鹽麴兩軍巡使即許中謝應新除令錄並中謝次
日放門辭並有只宣誠勵應文武兩班差吊祭使及
告廟祠祭祇于正衙辭見不赴內殿諸道差進奏官
到闕得見後請假得替進榜子放門辭已前六行望
准舊例施行從之

晋天福五年正月宰相馮道奏宰相朝見辭謝在廟
堂橫街之南及至餘官即悉于崇元殿門內此蓋事
因偶再習以為常又入閣禮畢之時羣官退於門外
定班如初候宣放伏惟翰林學士前任郡守等不隨
百官即時直入直出此二者禮僭序失伏乞改正勅
官爵之班即分高下見謝之位豈有異同宜互通規
以為定制今後宰相朝見辭謝並於崇元門內

與諸官重行異位一時列拜假內橫行即後舊例又
入閣之儀其翰林學士前任郡守等今後入閣宜依
百官班列不得先出

七年五月中書門下奏時屬冬莖事宜簡省應五日
百官起居即令押班宰臣一員押百官班其轉對官
兩員封事付閣門使引進本官起居後隨百官退不
用別出謝恩其文武內外官寮乞假寧覬婚葬病損
並門見門辭諸道奉進物等不用殿前排列引進使
引至殿前奏其等進奉物便出進奉使朝見日一
人致詞都付起居刺史并諸道行軍副使馬步軍都
指揮使已下差人到闕門見並門辭列縣官謝恩日
申頭一人都致詞不用逐人告官其供奉官殿直等
如是常直及合於殿前排列者即入起居如當直者
不用每月起居委宣徽院專切檢點尚須齊整從之
時帝不豫難于視
朝於權有此奏
開運元年八月尚書倉部郎中知制誥陶穀奏內外
臣寮正衙辭謝欲望除宰臣使相依舊押班其郡牧
藩候臺省寺監長史等不得令部內本司卑冗官莫

同班辭謝後之

周廣順三年三月御史臺奏應除授節度使防禦團練使刺史行軍副使等近日不到正衙辭謝多稱別奉宣旨易今後此色除授宜令閤門告報勤正衙辭謝如有宣旨放辭謝閤門真姓名分明投御史臺四方館

其年十月十二日勅今後起更有受官不赴衙謝人宜令門下省御史臺檢舉追勘聞奏其授官後違程不赴任並准元勅殿選如選未滿便來乞官者除外別行降黜施行

顯德五年閏七月一日御史臺奏文武百官每日赴朝叅不到如是常朝不到於本官料錢上每貫罰二十五文如是內殿起居入閣行香出城衆集及非時慶賀御殿橫行參不到並是倍罰臺司先勝幕次曉示本官限三日外即牒三司剡折如有故曾陳牒即將頌由呈驗又十六條准元和二年十二月內御史臺奏文武常參官准乾元元年三月勅如有朝堂相予慰相跪拜待漏行立失序誇笑喧譁入衙內執

芻不端行立遲慢至班列行立不正趨拜天儀拜跪
不俯伏舒脚穿班使出門不即就班無故離位廊下
食行坐天儀拜起抵夜退朝不從正衙門出非公
事入中書每犯者奪一月俸今商量此舊條各減一
半如所由指揮尚或抗拒即准舊例錄奏貶降從之

後唐長壽元年七月勅諸道得替防禦團練等使及
刺史到京朝見後並宜班行比擬如未有員闕可令
隨常參官逐立班二年十二月諫議大夫盧損奏請
前任節度防禦團練使刺史每五日隨例起居從之
清泰元年十一月御史臺奏前任節度防禦團練使
刺史行軍副使近儀五月一日内殿起居皆綴班序
立元係班簿虽日便殿起居其遇全班起居時亦合
綴班從之

百官奏事

晋天福二年五月勅宣令在朝文武臣寮每人各進
封事一件仍須實封通進

親王与朝臣行立位

後唐長興三年三月中書門下奏見任宰臣四外其餘諸使兼侍中中書令平章事並是使相向來班序皆在見任宰相之下今緣秦王從梁是親王新加兼中書令與諸使相下同每遇排班及到中書位次未定今後望諸親王官至兼侍中、書令則與見任宰臣分班定位宰臣居左親王兼侍中、書令居右如親王及諸使守侍中、書令亦並是使相既不知即不署勅亦分行居右其餘使相依舊規從之

四年九月勅天下兵馬大元帥秦王從榮位隆將相望重磐維委任既崇等咸合異班位宜在宰相之上

文武百官朝謁班序

後唐清泰二年十一月知彈御史奏今月二日班入遇兩移班廊下移班臺史薰瑾引僕射在中丞三院御史之下僕射諸間董瑾稱准常例臺司仍勅都省請檢討舊儀都省稱國朝以端揆重師長百寮雖在列司皆為統屬且左右僕射常朝不在中丞之下赴宴廊下餐並在中丞之上况中丞有公參之禮進路之儀詳其道理自有等降臺司又望稱李琪盧質

任僕射日班亦如此又引通事舍人在一品班上尋
申中書門下奏宰相令廊下使重定班位廊下使
言今後過兩移班廊下欲請依殿前磚位次第二品
右三品前一品後如中丞大夫俱置即大夫在中丞
前其兩班准此謹具奏聞勅宣令置一品二品三品
位
晉開運二年八月御史臺奏宰相和凝新除右僕射
入朝就列儀注責德臺吏喬德威狀稱新除僕射正
衙朝謝後次日中丞率三院御史列僕射廳公參相
次文武百官公參趨朝將不序班入在中丞之前兼
舊例除拜御史大夫趨朝退出在兩省之前僕射出
在夫之前近年已未入朝祇在中丞之前退朝僕
射出却在兩省之後銀臺司遂檢唐朝舊儀伏見元
和七年二月七日勅所定僕射趨朝出入儀注甚重
今後欲請常朝序班候御史中丞群官先入以次東
宮保傳入次兩省入次僕射入及朝進僕射先出次
以兩省官出東宮保傳出次御史中丞百官出從之
周廣順三年十一月中書省奏新除起居舍人遣珙

任徹其邊珣已謝任徹奉使未回任徹自左補闕除授邊珣自右補闕除授任徹舊官已在邊珣之上今任徹是勅頭近日同制授官多以先謝為上伏慮任徹使回行立班次難定勅同制授官但以勅命已足班次不可輒移謝日或有先後豈得便為升降今後同制授官宜准元和十五年勅行立班次以勅內先後為定其考滿月數以朝謝月日計數

內外官章服

周顯德元年正月一日勅節文今後升朝官四任以上著綠十五周年者與賜緋凡列縣官歷任內曾經五度參選者雖未及十六考與授朝散大夫階年七十已上合授優散官者並賜緋非時特恩不拘此例

雜錄

梁開平二年七月勅車服以庸古之制也貴賤無別罪莫大焉應內外將相許以銀飾鞍勒其刺史都將內諸司使以上抵許用銅飾仍永為定式四年五月勅竒亂正假偽奪直既典刑之不容宜犯違而莫赦應東西兩京及諸列府製造假屏玉真

珠腰帶簪珥并諸色舊用者等一切禁斷應公私人家先已有者所在送納長吏面前毀棄
後唐天成二年正月勅今後三京及諸道州使職員名自是押衙兵馬使指揮使已上騎馬得有暖坐諸都將衙官使下係名者祇得衣紫皂衣庶人商旅祇著白衣庶人有富戶或投名於勢要以求影庇或希假撰貴免丁徭如此色人仰所在禁勘以肅茲欺

戰

晉天福三年五月詔應中外臣寮帶平章事侍中書令及諸道節度使並許私門正戟仍並官給及批官品合式

論樂上

晉天福五年七月詳定院奏先奉勅正冬二節朝會舊儀禮節樂章二舞行列等事且差太常卿崔枕御史中丞竇貞固刑部侍郎呂琦禮部侍郎張允與太常寺官一一詳定今檢計典經具連制度按禮云天子以德為車以樂為御天樂于天地同和又曰安上治民莫善于禮移風易俗莫善于樂書云夫樂在耳

曰聲在目曰容聲應乎耳可以聽知容藏於心難以
貌觀故聖人假於羽旄以表其容於揚蹈厲以見其
意聲容和合則大樂備矣又按義鏡問鼓吹十二按
合于何所答曰周禮鼓人堂六鼓四金漢朝乃有黃
門鼓吹崔豹古今注云因張騫使西域得摩訶兜勒
一曲李延年增之分為二十八曲梁置鼓吹清商令
二人唐又有搖鼓金鈺大鼓長鳴瓊簫箜篌合為鼓
吹十二按大享會則設于懸外此乃是後二舞及鼓
吹十二按之由也今儀一從令式排列數習文舞郎
六十四人分為八佾八佾八佾左手執籥禮云籥籥伊
菴氏之樂也周禮又籥師教國子爾雅曰籥如笛三
孔而短大者七孔謂之產歷代以文舞所用凡用籥
六十有四右手執翟周禮所謂羽舞也書曰舞千羽
于兩階翟山雉也以雉羽分折連橫為之二人執纛
前引數 舞人之外文舞冠進賢冠服黃紗袍白紗
中草皂領襍白練襍白布大口袴革帶烏皮鞋白
布襪武舞郎六十四人分為八佾左手執手于楯也
令之旁牌所以繫身也其色赤中畫獸形故謂之朱

于周礼所谓兵舞取其武象用楯六十有四右手執
戚、斧也上飾以玉故謂之玉戚二人執旌前列旌
似旗而小絳色畫升龍二人執鼗鼓二人執鐸周礼
有四金之奏其三曰金鐸以通鼓形如文鈴仰而振
之金鐸二每鐸二人舉之一人奏之周礼四金之奏
其一曰金鐃以和鼓鐃銅為之其形四若確頭上大
下小高三尺六寸有六分圍二尺四寸上有伏虎之
形旁有耳獸形啣環二人執鐃以次之周礼四金其
二曰金鏡以止鼓如鈴無右搖柄以鳴之二人執相
在左礼云理亂以相狀如小鼓用皮為表實之以糠
拊之以節樂二人執雅在古礼云訊疾以雅以末為
之狀如漆篛拊口大二圍長五尺六寸以羊皮鞞之
旁有二紐髹畫 辭而出以器築地明行不失節武
舞人服錦平巾幘全支緋絲布大袖緋絲衽襜甲金
飾白練襜褕錦縵蛇起梁帶豹文大口布袴烏皮靴
工二十數在舞人之外武弁朱鞞革帶烏皮履白練
襜褕白布襪殿廷加鼓吹十二按義鏡云常設纜索
以纜為狀也今請製大林十二林容九人 作歌樂

其牀為熊羅虎豹騰倚之狀以承之象百獸率舞之
意分置於建鼓之外各三葉每葉利葆鼓一大鼓一
金鐃一歌二人簫二人十二素樂上一百有八人舞
一百三十有二人取羊十三已上弱冠已下容止端

正者充其歌曲各號樂章詞句請中書條奏差官修

擇從之其月宴羣臣于永福殿奏黃鐘之樂司封郎

有或問之奚知其然對曰夫有天地辰宿有軌數形

色有陰陽順逆有離合隱見天教五地教六六五相

合十一月而生黃鐘者同律之主五音之元官也子

寅卯巳未申戌謂之羽子寅辰午未酉戌謂之宮子

酉卯巳未申戌謂之角子卯辰巳未酉戌謂之羽子

庚辰午未酉戌謂之宮子卯辰巳未酉戌謂之羽子

郊辰巳未酉戌謂之高四者靡也戊章峻而且厲鄭

衛之音此之謂也雖高有所忽微也戊章峻而且厲鄭

曆主律命呂九六之偶旋相為宮三五合天地之美

四宗同陰陽之序者干其通人神宣歲功主成軌儀

之德統恆長短之華則精粗異矣在乎器治亂察性

情應形兆則殊途而歸者也大簇為高姑洗為角林

地三為人七宗者黃鐘為宮大簇為高姑洗為角林


鐘為徵南呂為羽應鐘為變宮蕤賓為變徵角為木

高為金宮為土變徵為日變宮為月徵為火羽為水

龍角元龜天豕并候主乎角平九河鼓委聚與鬼主
乎高天根須女庖俎烏喙至乎宮辰馬陰虛旄願大
都主乎變微大火丘割天高烏補辰主乎變宮龍尾
云室四兵天倡主乎微天津東璧參代輓車主乎羽
角之數六十有四商之數七十有二宮之數八十有
一變徵之數五十有六變宮之數四十有一徵之數
五十有四羽之數四十有八極高之數九十有十陽
之數畢矣神無形而有化處乎陰數之一十有以音
合之

以算陰決足主算以求象觸于耳而激于心由是而
知也夫何疑或俄而有軍校闖于井龍門外屬聲
司執也

五代會要卷第六



文政三卯
近藤舟之建記



